

東斗主算護命妙經

開經讚

東方甲乙木德星君

主算延年度人群

濟渡靈應化無量無邊

道德瑞氣春

皈命華林主算大星君

大聖華林主算大星君

禮三寶

願合宮眾弟子福壽綿長志心朝禮

清微玉京山妙無上帝大羅元始天尊

願合宮眾弟子福壽綿長志心朝禮

禹餘浮屠山妙有上帝玉宸靈寶天尊

願合宮眾弟子福壽綿長志心朝禮

大赤崑崙山妙變上帝混元道德天尊

五星衛靈神咒

五星列照 煥明五方 水星卻災 木德致昌 熒惑消禍 太白辟兵 鎮星
四據 家國利亨 名刊玉簡 字籙帝房 乘飆散景 飛騰太空 出入冥無
游宴十方 五雲浮蓋 招神攝風 役使萬靈 上衛仙翁

太上說東斗主算護命妙經

老君告正一天師曰 天道冥運 文象玄應 昭而不言 經星常宿 中外
官品 各有司主 凡一百一十八名 積數七百八十二星 二十八宿 兩
曜五星 皆在璇璣以齊七政 五天大號 靈斗帝君 南北建候 東西均
平 光極中央 臨照四方 吾為汝說 玄文洞章 世人受誦 變災為祥
至士得之 玄景靈光 吾已為汝說 北斗本命之訣 南斗六司之文 度
人無量 劫劫長存 吾今復為汝說 玉靈瑤篇 東斗帝君之命 主算延
年 使傳下世 能度三塗五苦 八難之厄 能與削死上生大計之令 總
監形魂 玄妙真默 無極無窮 老君曰 東方之神 以斗為鄰 長生大聖

韓君丈人執我之柄 不死之神 輔我之左 長生之君 弼我之右 司馬
大神 行我之政 司命司錄 延壽益算 無量度人 青帝與我護魂 太上
與我扶身 巴元醜伯 魔王之真 從我所願 延救天人 急急如律令
咒曰

太道著明 寂默玄冥 五斗中運 四時生成 北都萬鬼 遏人年齡 我有
洞章 度世長生 供養尊禮 主人精神 玄中

有玄峨峨玉京 急急如律令

東斗第一蒼靈延生真君

東斗第二陵光護命真君

東斗第三關天大衛集福真君

東斗第四大明和陽保和真君

東斗第五尾極總監真君

老君曰 凡人受誦 必須至誠 齋心東向 叩齒心拜 跪坐 閉目存神 如
見東方 無極之鄉 玄靈帝君 至真大聖 無鞅之眾 羅列周匝 如得監

度有災之日 宜於本命生辰 或月之朔望 月之九日 或家庭觀宇 以時花珍果 焚香淨念 望東斗帝君 醮謝罪業 求益壽年大靈所與 獲福無量 至人授度 逍遙上清 此經玄奧 深不可詳

太上說經 周竟於玉局座 謂天師曰 玄文秘法 授非其人 殃及九祖 所以賜汝 流行正道 救度天人 令得長生 天師再拜 頂禮受之 如法奉行 自此傳於世矣

太上說東斗主算護命妙經

完經讚

東斗妙經 萬德洪名
靈文全卷 最弘深
誦經免災 迤朗誦 無停
益祿集福 保安寧
皈命華林 主算大星君

志心皈命禮

功參紫極 奎耀文昌 司靈象於九霄 御分垣於二曜 青陽舒澤 環河
漢之玄流 玉軸宣機 佐雷霆之聯兆 主昭明而電繞虹飛 推應化而歲
精宿昴 拱之吉昌 尊之福繞 大悲大願 大聖大慈 東極至尊大帝青
華主宰 高虛無上 六宸衍慶 延生益祿天尊

繳經讚

東斗經 跪誦已週隆

回向四恩并三有 合堂宮眾弟子

增福壽願將法水洗愆尤

五華宮聖眾唯願垂納受

皈命華林主算大星君

列 列 二 晝 願
聖 聖 六 夜 晝 回
留 留 時 六 吉 壇
恩 恩 中 時 祥
降 降 吉 恆 夜
吉 吉 祥 吉 吉
祥 祥 者 祥 祥